

Mirza Čelik, zastupnik u Skupštini KS
Elmedin Konaković, zastupnik u Skupštini KS

SKUPŠTINA KANTONA SARAJEVO
n/r predsjedavajućeg

PREDMET: Zahtjev za uvrštavanje tačke na dnevni red Hitne sjednice, dostavlja se

Na osnovu čl. 72. i 106. Poslovnika o radu Skupštine Kantona Sarajevo („Službene novine Kantona Sarajevo", broj 41/12-Drugi Novi prečišćeni tekst, 15/13, 47/13, 47/15, 48/16, 9/20 i 14/20), predlažemo Skupštini Kantona Sarajevo da na Dnevni red 23. Hitne sjednice Skupštine Kantona Sarajevo uvrsti tačku: Prijedlog Odluke o izmjenama i dopunama Poslovnika Skupštine Kantona Sarajevo, koji dostavljamo u prilogu ovog akta.

S poštovanjem,

Mirza Čelik

Elmedin Konaković

Sarajevo, 19.04.2022.godine

Na osnovu člana 18. stav 1. tačka m) i člana 19. Ustava Kantona Sarajevo („Službene novine Kantona Sarajevo“ ,broj: 1/96, 2/96, 3/96, 16/97, 14/00, 4/01, 28/04, 6/13, 31/17) i člana 117. Poslovnika o radu Skupštine Kantona Sarajevo („Službene novine Kantona Sarajevo“, broj 41/12-Drugi Novi prečišćeni tekst, 15/13, 47/13, 47/15, 48/16, 9/20 i 14/20), Skupština Kantona Sarajevo na _____sjednici održanoj _____2022 godine , donijela je

PRIJEDLOG

**ODLUKU
O IZMJENAMA I DOPUNAMA POSLOVNIKA
SKUPŠTINE KANTONA SARAJEVO**

Član 1.

U članu 24. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi Novi prečišćeni tekst, 15/13, 47/13, 47/15, 48/16, 9/20 i 14/20), iza stava (3) dodaje se novi stav (4) koji glasi:

“Ukoliko bilo koje radno tijelo ne dostavi Skupštini mišljenje o pitanjima iz svog djelokruga do zasjedanja Skupštine, smatra se da je mišljenje o predmetnom materijalu pozitivno.”

Član 2.

U članu 71., stav (1) mijenja se i glasi:

„Poziv za radne sjednice Skupštine sa prijedlogom dnevnog reda i materijalima dostavlja se elektronskim putem poslanicima/zastupnicima, predsjednicima radnih tijela Skupštine, Vladi i ostalim učesnicima, najmanje 12 dana prije održavanja sjednice.”

Stav (2) mijenja se i glasi:

“Sjednice radnih tijela Skupštine održavaju se najkasnije 2 dana prije održavanja sjednice Skupštine.”

Iza stava (2) dodaju se novi stavovi (3) i (4) koji glase:

“Sjednice Kolegija i radnih tijela Skupštine sa prijedlogom dnevnog reda i materijalima dostavljaju se elektronskim putem poslanicima/zastupnicima, predsjednicima radnih tijela Skupštine, Vladi i ostalim učesnicima.”

“Pozivi i materijali iz st. (1) i (3) ovog člana smatrat će se uredno dostavljenim postavljanjem na službenu web stranicu Skupštine Kantona Sarajevo.”

Dosadašnji st. (3), (4), (5), (6), (7) i (8) postaju st. (5), (6), (7), (8), (9) i (10).

Član 3.

Ova odluka stupa na snagu danom donošenja, a objavit će se u „Službenim novinama Kantona Sarajevo“.

Broj: 01-04-
Sarajevo,

PREDSJEDAVAJUĆI
SKUPŠTINE KANTONA SARAJEVO
Elvedin Okerić

O B R A Z L O Ź E N J E

I-PRAVNI OSNOV

Pravni osnov za donošenje Odluke o izmjenama i dopunama Poslovnika Skupštine Kantona Sarajevo je član 18. stav 1. tačka m) i član 19. Ustava Kantona Sarajevo ("Službene novine Kantona Sarajevo", broj: 1/96, 2/96, 3/96, 16/97, 14/00, 4/01, 28/04, 6/13, 31/17), kojim je propisano da Skupština donosi poslovnik većinom glasova poslanika i član 117. Poslovnika Skupštine Kantona Sarajevo („Službene novine Kantona Sarajevo, broj 41/12 – Drugi Novi prečišćeni tekst, 15/13, 47/13, 47/15, 48/16, 9/20 i 14/20), koji propisuje da Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

II-RAZLOZI ZA DONOŠENJE

Pozivi i materijali za radne sjednice Skupštine, kao i pozivi i materijali za sjednice Kolegija i radnih tijela Skupštine u skladu sa važećim Poslovníkom Skupštine moraju se dostavljati u štampanoj formi što iziskuje velike finansijske troškove. Predloženim izmjenama Poslovnika pozivi i materijali će se dostavljati u elektronskoj formi što je opravdano i sa aspekta finansijskih ušteda ali i sa aspekta zaštite prirodne okoline, praktičnosti i modernizacije načina dostavljanja skupštinskih materijala.

III-PRAVNA RJEŠENJA

Odredbama člana 71. Poslovnika Skupštine st. (1) i (2) propisuje se način dostavljanja poziva i materijala za sjednice Skupštine, Kolegija i radnih tijela Skupštine.

IV - FINANSIJSKA SREDSTVA

Za provođenje ove Odluke nisu potrebna dodatna finansijska sredstva.